

慧甚深心無所緣而知一切眾生心心所行
世尊薩婆若得如是無量功德其誰善男子
善女人不發阿耨多羅三藐三菩提心

於是網明菩薩白佛言世尊若有菩薩希望
功德利益而發菩提心者不名發大乘也所
以者何一切法無功德利以無對處故世尊

菩薩摩訶薩不應為功德利故發菩提心但
為大悲心故滅眾生諸苦惱故不自憂苦故
生諸善法故解脫諸邪見故滅除諸病故捨
我所貪著故不觀憎愛故不沒世法故厭患
有為故安住涅槃故發菩提心世尊菩薩不
應於眾生求其恩報亦不應觀作與不作又

於苦樂心不傾動世尊何謂菩薩家清淨佛
言善男子菩薩若生轉輪聖王家不名家清
淨若生帝釋中若生梵王中亦不名家清淨
在所生處乃至畜生自不退失善根亦令眾
生生諸善根是名菩薩家清淨又網明慈是
菩薩家心平等故悲是菩薩家深心念故喜

是菩薩家生法喜故捨是菩薩家離貪著故
不捨菩提是菩薩家不貪聲聞辟支佛地故

思益梵天所問經卷第二

十九末

萬二

無闕字下闕闕饕餮下音奪徒危此肥歲
反爪指巧指巧之疔瘡上於深反不能言也拘

雙上音反脚下必裸赤反陋反候囹圄二靈語
初眼此初云思辱辱辱粗才略也牀榻捐二字鈍不利也羸提

思益梵天所問經卷第三

萬三

姚秦二藏法師鳩摩羅什譯

菩薩無二品第十二

爾時思益梵天白佛言世尊是文殊師利法
王子在此大會而無所說佛即告文殊師利
汝於此所說法中可少說之文殊師利白佛

陳大昌刊

言世尊佛所得法寧可識不佛言不可識也
世尊是法可說可演可論不佛言不可說不
可演不可論世尊者是法不可說不可演不
可論者則不可示也爾時思益梵天謂文殊
師利汝不為衆生演說法乎文殊師利言梵
天法性中有二相耶梵天言無也文殊師利
言一切法不入法性耶梵天言然文殊師利
言若法性是不二相一切法入法性中云何
當為衆生說法梵天言頗有說法亦無二相耶
文殊師利言若決定得說者聽者可有說法亦
無有二文殊師利如來不說法耶文殊師利
言佛雖說法不以二相何以故如來性無二
故雖有所說而無二也梵天言若一切法無
二其誰為二文殊師利言凡夫貪著我故分
別二耳不二者終不為二雖種種分別為二
然其實際無有二相梵天言云何識無二法
文殊師利言若無二可識則非無二所以者
何無二相者不可識也梵天二即是識業不

可識法佛所說也是法不爾如所說何以故
是法無文字故文殊師利佛所說法終何所
至文殊師利言如來說法至無所至梵天言
佛所說法不至涅槃耶文殊師利言涅槃可
得至耶梵天言涅槃無來處無至處文殊師
利言如是佛所說法至無所至梵天言是法
誰聽答言如所說梵天言云何如所說答言
如不識不聞梵天言誰能聽如來如是法答
言不漏六塵者梵天言誰能知是法答言無
識無分別無諍訟者梵天言云何比丘名多
諍訟答言是好是惡此名諍訟是理是非理
此名諍訟是垢是淨此名諍訟是善是不善
此名諍訟是戒是毀戒此名諍訟是應作是
不應作此名諍訟以是法得道以是法得果
此名諍訟梵天若於法中有高下心貪著所
受皆是諍訟佛所說法無有諍訟梵天樂戲
論者無不諍訟樂諍訟者無沙門法樂沙門
法者無有妄想貪著者梵天言云何比丘隨佛語

隨佛教答言若比丘稱讚毀辱其心不動是名隨佛教若比丘不隨文字語言是名隨佛語又比丘滅一切諸相是名隨佛教不違於義是名隨佛語若比丘守護於法是名隨佛教若不違佛語是名隨佛語梵天言云何比丘能守護法答言若比丘不逆平等不壞法

性是名能守護法梵天言云何比丘親近於佛答言若比丘於諸法中不見有法若近若遠是名親近於佛梵天言云何比丘給侍於佛答言若比丘身口意無所作是名給侍於佛梵天言誰能供養佛答言不起福業不起無動業者梵天言誰能見佛答言若不著肉

眼不著天眼不著慧眼是名能見佛梵天言誰能見法答言不逆諸因緣法者梵天言誰能順見諸因緣法答言不起平等不見平等所生相者梵天言誰得真智答言不生不滅諸漏者梵天言誰能隨學如來答言不起下受不取不捨諸法者梵天言誰名正行答言

不墮三界者梵天言誰為善人答言不受後身者梵天言誰為樂人答言無我無我所者梵天言誰為得解脫者答言不壞縛者梵天言誰為得度答言不任生死不任涅槃者梵天言漏盡比丘盡何事耶答言若有所盡不名漏盡知諸漏空相隨如是知名為漏盡梵

万三

三

天言誰為實語答言離諸言論道者梵天言誰為入道答言凡夫有入道聖行者知一切有為法無所從來無所從去則無入道梵天言誰能見聖諦答言無有見聖諦者所以者何隨所有見皆為虛妄無所見者乃名見諦梵天言不見何法名為見諦答言不見一切

諸見名為見諦梵天言是諦當於何求答言當於四顛倒中求梵天言何故作如是說答言求四顛倒不得淨不得常不得樂不得我若不得淨是即不淨若不得常是即無常若不得樂是即為苦若不得我是即無我梵天一切法空無我是為聖諦若能如是求諦是

人不見苦不斷集不證滅不修道梵天言云
何名修道答言若不分別非法離於
二相名為修道以是道求一切法不得是名
為道是道不令人離生死至涅槃所以者何
不離不至乃名聖道

爾時有摩訶羅梵天子名曰等行問文殊師
利何謂優婆塞歸依法歸依法僧答言
若優婆塞不起二見不起我見不起彼見不
起我見不起佛見不起我見不起法見不起
我見不起僧見是名歸依法歸依法僧
又優婆塞不以色見佛不以受想行識見佛
是名歸依法若優婆塞於法無所分別亦不
行非法是名歸依法若優婆塞不離有為法
見無為法不離無為法見有為法是名歸依
僧又優婆塞不得佛不得法不得僧是名歸
依佛歸依法歸依法僧爾時等行菩薩問文殊
師利言是諸菩薩發菩提心者為何所趣答
言趣於虛空所以者何阿耨多羅三藐三菩

提同虛空故等行言云何菩薩名發阿耨多
羅三藐三菩提心答言若菩薩知一切發非
發一切法非法一切眾生非眾生是名菩薩
發阿耨多羅三藐三菩提心

爾時等行菩薩白佛言世尊所言菩薩菩薩

萬三

四

者為何謂耶佛言善男子若菩薩於邪定眾
生發大悲心於正定眾不見殊異故言菩
薩所以者何菩薩不為正定眾不為不定
眾故發心但為度邪定眾故而起大悲
發阿耨多羅三藐三菩提心故名菩薩

爾時菩提菩薩白佛言世尊我亦樂說所以
為菩薩佛言若樂說者便說菩提菩薩言譬
如男子女人受一日戒無毀無缺若菩薩如
是從初發心乃至成佛於其中間常修淨行
是名菩薩堅意菩薩言若菩薩成就深固慈
心是名菩薩度眾菩薩言譬如橋船度人
不倦無有分別若心如如是是名菩薩斷惡道

菩薩言若菩薩於諸佛國投足之處即時一切惡道皆滅是名菩薩觀世音菩薩言若菩薩衆生見者即時必定於阿耨多羅三藐三菩提又稱其名得免衆苦是名菩薩得大勢菩薩言若菩薩所投足處震動三千大千世界及魔宮殿是名菩薩無疲倦菩薩言若恒

河沙等劫爲一日一夜以是三十日爲一月十二月爲一歲以是歲數若過百千萬億劫得值一佛如是於恒河沙等佛所行諸梵行修集功德然後受阿耨多羅三藐三菩提記心不休息無有疲倦是名菩薩導師菩薩言若菩薩於墮邪道衆生大_五悲心令人正道

_{万三}不求恩報是名菩薩須彌山菩薩言若菩薩於一切法無所分別如須彌山一切衆色是名菩薩那羅延菩薩言若菩薩不爲一切煩惱所壞是名菩薩心力菩薩言若菩薩以心思惟一切諸法無有錯謬是名菩薩師子遊步自在菩薩言若菩薩於諸論中不怖不畏

得深法忍能使一切外道怖畏是名菩薩不可思議菩薩言若菩薩知心相不可思議無所思惟分別是名菩薩善寂天子言若菩薩能於一切天宮中生而無所染亦不得是無染之法是名菩薩實語菩薩言若菩薩有所發言常以真實乃至夢中亦無妄語是名菩

薩喜見菩薩言若菩薩能見一切色皆是佛色是名菩薩常慘菩薩言若菩薩見墮生死衆生其心不樂世間諸樂欲自度己身亦度衆生是名菩薩心無礙菩薩言若菩薩於一切煩惱衆魔而不瞋礙是名菩薩常喜根菩薩言若菩薩常以喜根自滿其願亦滿他願所作皆辦是名菩薩散疑女菩薩言若菩薩於一切法中不生疑悔是名菩薩師子童女菩薩言若菩薩無男法無女法而現種種色身為成就衆生故是名菩薩寶女菩薩言若菩薩於諸寶中不生愛樂但樂三寶是名菩薩毗舍佉達多優婆夷言若菩薩有所得者

則無善提若不得一切法不生一切法不滅一切法是不名菩薩跋陀婆羅賢士言若菩薩衆生聞其名者畢定於阿耨多羅三藐三菩提是名菩薩寶月童子言若菩薩常修童子梵行乃至不以心念五欲何況身受是名菩薩忉利天子曼陀羅華香菩薩言若菩薩持戒熏心常流諸善法香不流餘香是名菩薩作喜菩薩言若菩薩喜樂三法謂供養佛演說於法教化衆生是名菩薩思益梵天言若菩薩所見之法皆是佛法是名菩薩彌勒菩薩言若菩薩衆生見者即得慈心三昧是名菩薩文殊師利法王子言若菩薩雖說諸法

万三

六

亦復能捨一切福事與諸衆生是名菩薩論寂品第十四
爾時思益梵天問等行菩薩言善男子汝今以何行為行答言我已隨一切有為法衆生行為行又問隨一切有為法衆生以何為行答言諸佛所行是隨一切有為法衆生行也又問諸佛以何為行答言諸佛以第一義空為行又問凡夫所行諸佛亦以是行有何差別等行言汝欲令空中有差別耶答言不也等行言如來不說一切法空耶答言然是故梵天一切法無有差別是諸行相亦復如是所以者何如來不說諸法有差別也
爾時思益梵天問文殊師利言所言行處行為何謂也答言於諸行中有四梵行是名行處行若人離四梵行不名行處行能行四梵行是名行處行梵天若人成就四梵行雖於空閑曠野中行是名行處行若不成就四梵行雖於樓殿堂閣金銀牀榻妙好被褥於此

万三

七

中行不名行處行亦復不能善知行處相又問菩薩以何行知見清淨答言於諸行中能淨我見又問若得我實性即得實知見耶答言然若見我實性即是實知見譬如國王典金藏人因已出用知餘在者如是因知我實性故得實知見又問云何得我實性答言若得無

我法所以者何我畢竟無根本無決定故若能如是知者是名得我實性又問如我解文殊師利所說義以見我故即是見佛所以者何我性即是佛性文殊師利誰能見佛答言不壞我見者所以者何我見即是法見以法見能見佛又問頗有無所行名為正行耶答言

有若不行一切有為法是名正行又問云何行名為正行答言若不為見故行不為斷不為證不為修故行是名正行又問慧眼為見何法答言若有所見不名慧眼慧眼不見有為法不見無為法所以者何有為法皆虛妄分別無虛妄分別是名慧眼無為法空無

所有過諸眼道是故慧眼亦不見無為法又問頗有因緣正行比丘不得道果答言有正行中無道無果無行無得無有得果差別梵天無所得故乃名為得若有所得當知是為增上慢人正行者無增上慢無增上慢則無行無得又問得何法故名為得道答言若法

不自生不他生亦不眾緣生從本已來常無有生得是法故說名得道又問若法不生為何所得答言若知法不生即名為得是故佛說若見諸有為法不生相即入正位又問云何名正位答言我及涅槃等不作二是名正位又行平等故名為正位以平等出諸苦惱故名正位入了義中故名正位除一切憶念故名正位

爾時世尊讚文殊師利言善哉善哉快說此言誠如所說說是法時七千比丘不受諸法漏盡心得解脫三萬二千諸天遠塵離垢得法眼淨十千人離欲得定二百人發阿耨多

萬三

八

羅三藐三菩提心五百菩薩得無生法忍

爾時思益梵天白佛言世尊是文殊師利法王子能作佛事大饒益衆生文殊師利言佛出於世不爲益法故出不爲損法故出梵天言佛豈不滅度無量衆生仁者亦不利益無量衆生耶文殊師利言汝欲於無衆生中得衆生

耶答言不也梵天汝欲得衆生決定相耶答言不也梵天汝欲得諸佛有出生相於世間耶答言不也梵天何等是衆生爲佛所滅度者梵天言如仁者所說義無生死無涅槃文殊師利言如是諸佛世尊不得生死不得涅槃佛諸弟子得解脫者亦不得生死不得涅槃

所以者何是涅槃是生死但假名字有言說耳實無生死往來滅度涅槃又問誰能信是法取答言於諸法中無貪著者又問若貪著者於何貪著答言貪著者貪著虛妄梵天若貪著是實者終無增上慢以貪著虛妄故行者知之而不貪著若不貪著則無有流若

無有流則無往來生死若無往來生死是則滅度又問何故說言滅度答言滅度者名爲衆緣不和合若無明不和合諸行因緣則不起諸行若不起諸行是名爲滅不起相是畢竟滅得是道故則無生處如是名爲四聖諦如來二事品第十五

万三

九

爾時等行菩薩謂文殊師利如汝所說皆爲真實答言一切言說皆爲真實又問虛妄言說亦真實耶答言如是所以者何是諸言說皆爲虛妄無處無方若法皆虛妄無處無方是故一切言說皆是真實善男子提婆達語如來語無異無別所以者何一切言說皆是如來言說不出如故一切言說有所說事皆以無所說故得有所說是以一切言說皆平等文字同故文字無念故文字空故等行言如來不說凡夫語言賢聖語言耶文殊師利言然以文字說凡夫語言亦以文字說賢聖語言言如是善男子諸文字有分別是凡夫語言

是賢聖語言耶等行言不也文殊師利言如諸文字無分別一切賢聖亦無分別是故賢聖無有言說所以者何賢聖不以文字相不以衆生相不以法相有所說也譬諸鐘鼓衆緣和合而有音聲是諸鐘鼓亦無分別如是諸賢聖善知衆因緣故於諸言說無貪無礙

等行言如佛所說汝等集會當行二事若說法若聖默然何謂說法何謂聖默然答言若說法不違佛不違法不違僧是名說法若知法即是佛離相即是法無爲即是僧是名聖默然又善男子因四念處有所說名爲說法於一切法無所憶念名聖默然因四正勤

有所說名爲說法以諸法等不作等不作不等等名聖默然因四如意足有所說名爲說法若不起身心名聖默然因五根五力有所說名爲說法若不隨他語有所信爲不取不捨故分別諸法一心安住無念中解一切法常定性斷一切戲論慧名聖默然因七菩提分

有所說名爲說法若常行捨心無所分別無增無減名聖默然因八聖道分有所說名爲說法若知說法相如椽喻不依法不依非法名聖默然善男子於是三十七助道法若能開解演說名爲說法若身證是法亦不離身見法亦不離法見身於是觀中不見二相不

万三

十

見不二相如是現前知見而亦不見名聖默然又善男子若不妄想著我不妄想著彼不妄想著法有所說名爲說法若至不可說相能離一切言說音聲得不動處入離相心名聖默然又善男子若知一切衆生諸根利鈍而教誨之名爲說法常入於定心不散亂名聖默然等行言如我解文殊師利所說義一切聲聞辟支佛無有說法亦無聖默然所以者何是人不能了知一切衆生諸根利鈍亦復不能常在於定文殊師利若有真實問何等是世間說法者何等是世間聖默然者則當爲說諸佛是也所以者何諸佛善能分別一切衆生

諸根利鈍亦常在定佛告文殊師利如是如是如等行所說唯諸如來有此二法爾時須菩提白佛言世尊我親從佛聞汝等集會當行二事若說法若聖默然世尊若聲聞不能行者云何如來勸諸比丘行此二事佛告須菩提於汝意云何若聲聞不從他聞能說法能聖默然不須菩提言不也須菩提是故當知一切聲聞辟支佛無有說法無聖默然爾時文殊師利謂須菩提如來了知衆生八萬四千行汝於此中有智慧能隨其所應爲說法不答言不也今須菩提能入觀一切衆生心三昧住是三昧通達一切衆生心心所行自

万三

十一

知或有衆生多瞋恚者以觀過得解脫不以慈心唯佛能知或有衆生多愚癡者以不共語得解脫不以說法唯佛能知或有衆生等分行者不以觀淨不以不淨不以觀過不以慈心不以不共語不以說法得解脫者隨其根性以諸法平等而爲說法使得解脫唯佛能知是故如來於諸說法人中爲最第一禪定人中亦最第一爾時須菩提問文殊師利若聲聞辟支佛不能如是說法不能如是聖默然者諸菩薩有成就如是功德能說法能聖默然不答言唯佛當知於是佛告須菩提有三昧名入一切語言心不散亂若菩薩成就

心他心無所妨礙不答言不也文殊師利言須菩提如來於衆生八萬四千行隨其所應爲說法藥又常住定平等相中心不動搖而通達一切衆生心心所行須菩提是故當知一切聲聞辟支佛不及此事須菩提或有衆生多婬欲者以觀淨得解脫不以不淨唯佛能

是三昧皆得是功德爾時文殊師利謂等行菩薩善男子爲衆生八萬四千行故說八萬四千法藏名爲說法常在一切滅受想定中名聖默然善男子我若一劫若減二劫演說是義是名說法相是聖默然相猶不能盡於是佛告等行菩薩善男子乃往過去無量無

邊不可思議阿僧祇劫時世有佛号曰普光劫曰名聞國名喜見彼國嚴淨豐樂安隱天人熾盛其地皆以衆寶莊嚴柔輦細滑生寶蓮華一切香樹充滿其中常出妙香善男子喜見國土有四百億四天下一天下縱廣八萬四千由旬其中諸城縱廣一由旬皆以

衆寶校飾一一城者有二萬五千聚落村邑而圍繞之一一聚落村邑無量百千人衆充滿其中彼時人民所見色像心皆欣悅無可憎惡亦悉皆得念佛三昧是以國土名曰喜見若他方世界諸來菩薩皆得快樂餘國不爾善男子其普光佛以三乘法為弟子說亦多樂

十二

十二

說如是法言汝等比丘當行二事若說法若聖默然善男子爾時上方賢王佛土有二菩薩一名無盡意二名益意來詣普光佛所頭面禮佛足右繞三匝恭敬合掌却住一面時普光佛為二菩薩廣說淨明三昧所以名曰淨明三昧者若菩薩入是三昧即得解脫一

切諸相及煩惱著亦於一切佛法得淨光明是故名為淨明三昧又前際一切法淨後際一切法淨現在一切法淨是三世畢竟淨無能令不淨性常淨故是以說一切諸法性常清淨何謂諸法性淨謂一切法空相離有所得故一切法無相相離憶想分別故一切法

無作相不取不捨無求無願畢竟離自性故是名性常清淨以是常淨相知生死性即是涅槃性涅槃性即是一切法性是故說心性常清淨善男子譬如虛空若受垢汙無有是處心性亦如是若有垢汙無有是處又如虛空雖為煙塵雲霧覆障不明不淨而不能染汙虛空之性設染汙者不可復淨以虛空實不染汙故還見清淨凡夫心亦如是雖邪憶念起諸煩惱然其心性不可垢汙設垢汙者不可復淨以心相實不可垢汙性常明淨是故心得解脫善男子是名入淨明三昧門彼二菩薩聞是三昧於諸法中得不可思議法光明

爾時無盡意菩薩白普光如來言世尊我等已聞入淨明三昧當以何行行此法門佛告無盡意善男子汝等當行二行若說法若聖默然時二菩薩從佛受教頭面禮佛足繞三匝而出趣一園林自以神力化作寶樓於中修行時有梵天名曰妙光與七萬二千梵俱來至其所頭面禮足問二菩薩善男子普光如來說言汝等比丘集會當行二事若說法若聖默然善男子何謂說法何謂聖默然二菩薩言汝今善聽我當少說唯有如來乃通達耳於是二菩薩以二句義為諸梵眾廣分別說時七萬二千梵皆得無生法忍妙光梵天得普光明三昧是二菩薩於七萬六千歲以無礙辯才答其所問不懈不息分別二句互相問答而不窮盡於是普光如來在虛空中作如是言善男子勿於文字言說而起諍訟凡諸言說皆空如響如所問答亦復如是汝等二人皆得無礙辯才及無盡陀羅尼若

於一劫若百劫說此二句辯不可盡善男子佛法是寂滅相第一之義此中無有文字不可得說諸所言說皆無義利是故汝等當隨此義勿隨文字是二菩薩聞佛教已默然而止佛告等行以是當知菩薩若以辯才說法於百千萬劫若過百千萬劫不可窮盡又告等行於意云何彼二菩薩豈異人乎勿造斯觀無盡意者今文殊師利是益意菩薩者今汝身是妙光梵天者今思益梵天是也爾時等行菩薩白佛言未曾有也世尊諸佛菩薩為大饒益如所說行精進眾生世尊其懈怠不能如所說行者雖值百千萬佛無能為也當知從勤精進得出菩提得聖道品第十六爾時文殊師利謂等行菩薩善男子汝知菩薩云何行名勤精進答言若菩薩能得聖道名勤精進又問云何行能得聖道答言若於諸法無所分別如是行者能得聖道又問云

何名爲得聖道已答言若行者於平等中見諸法平等是名得聖道已又問平等可得見耶答言不也所以者何若平等可見則非平等思益梵天謂文殊師利若行者於平等中不見諸法是名得聖道已文殊師利言何故不見思益言離二相故不見不見即是正見

又問誰能正見世間答言不壞世間相者又問云何爲不壞世間相答言色如無別無異受想行識如無別無異若行者見五陰平等如相是名正見世間又問何等是世間相答言滅盡是世間相又問滅盡相復可盡耶答言滅盡相者不可盡也又問何故說言世間是滅盡相答言世間畢竟盡相是相不可盡所以者何已盡者不復盡也又問佛不說一切有爲法是盡相耶答言世間是盡相終不可盡是故佛說一切有爲法是盡相又問何等數名有爲法答言以盡相故名有爲法又問有爲法者爲住何所答言無爲性中住又

問有爲法無爲法有何差別答言有爲法無爲法文字言說有差別耳所以者何以文字言說言是有爲是無爲若求有爲無爲實相則無差別以實相無差別故又問何等是諸法實相義答言一切法平等無有差別是諸法實相義又問何等爲義答言以文字說令

方三

十五

人得解故名爲義所以者何實相義者不如文字所說諸佛雖以文字有所言說而於實相無所增減文殊師利一切言說皆非言說是故佛語名不可說諸佛不可以言相說故又問云何得說佛相答言諸佛如來不可以色身說相不可以三十二相說相不可以諸功德法說相又問諸佛可離色身三十二相諸功德法而說相耶答言不也所以者何色身如三十二相如諸功德法如諸佛不即是如亦非離如如是可說佛相不失如故又問諸佛世尊得何等故号名爲佛答言諸佛世尊通達諸法性相如故說名爲佛正遍知者

志大乘品第十七

於是等行菩薩白佛言世尊何謂菩薩發行
大乘爾時世尊以偈答言

菩薩不壞色

發行菩提心

知色即菩提

是名行菩提

如色菩提然

等入於如相

不壞諸法性

是名行菩提

不壞諸法性

則為菩提義

是菩提義中

亦無有菩提

正行第一義

是名行菩提

愚於陰界入

而欲求菩提

陰界入即是

離是無菩提

若有諸菩薩

於上中下法

不取亦不捨

是名行菩提

若法及非法

不分別為二

亦不得不二

是名行菩提

若二則有為

非二則無為

離是二邊者

是名行菩提

是人過凡夫

亦不入法位

未得果而聖

是世間福田

行於世間法

處中若蓮華

道修最上道

是名行菩提

世間所行處

悉於是中行

世間所貪著

於中得解脫

菩薩無所畏

不沒生死淵

無憂無疲倦

而行菩提道

斯人能善知

法性真實相

是故不分別

是法是非法

行於佛道時

無法可捨離

亦無法可受

是名菩提相

一切法無相

猶若如虛空

終不作是念

是相是可相

善知世所行

遍知方便力

能充滿一切

衆生之所願

常住於平等

萬三

十六

護持佛正法

一切無所念

則是如來法

若有佛無佛

是法常住世

能通達是相

是名護持法

諸法之實相

了達知其義

安住於此中

而為人演說

行於甚深法

魔所不能測

是人於諸法

無所貪著故

願求諸佛慧

亦不著願求

是慧於十方

求之不可得

諸佛慧無礙

不著法非法

若能不著此

究竟得佛道

其諸樂善人

布施轉高尊

捨一切所有

而心不傾動

諸法不可捨

亦復不可取

一切世間法

根本不可得

能知一切法

非施非捨相

是名大施主

於法無所見

是等諸菩薩

不計我我所	是故行施時	不生貪惜心	莊嚴大誓願	法無決定性	何許有滅相
諸所有布施	皆迴向佛道	布施及菩提	本際不可得	為顛倒故說	法性不可議
不住是二相	無作無起戒	常住於此中	常住於世間	若能知如是	不生亦不滅
亦不作念言	我住是持戒	智者知戒相	菩薩念眾生	不解是法相	為之勤精進
不生亦不作	是故戒清淨	猶若如虛空	令得離顛倒	諸佛常不得	眾生決定相
觀身如鏡像	言說如響聲	心則如幻化	而彼弘本願	當觀精進力	思惟一切法
不以戒自高	其心常柔輒	安住寂滅性	知皆如幻化	不得堅牢相	觀之如虛空
悉滅一切惡	通達於善法	持戒及毀戒	從虛妄分別	貪著生苦惱	為斯開法門
不得此二相	如是見法性	則持無漏戒	令得入涅槃	為彼行精進	而不壞於法
已度忍辱岸	能忍一切惡	於諸眾生類	離法非法故	常行真精進	是等行遠離
其心常平等	諸法念念滅	其性常不住	了達無諍定	獨處無憤更	常畏於生死
於中無罵辱	亦無有恭敬	若節節解身	樂住於閑居	猶如犀一角	遊戲諸禪定
<small>万三</small>	<small>十七</small>				
其心終不動	知心不在內	亦復不在外	明達諸神通	心常住平等	處空閑聚落
身怨及刀杖	皆從四大起	於地水火風	威儀無變異	恒樂於禪定	信解常定法
未曾有傷損	通達於此事	常行忍辱法	及寂滅無漏	其心得解脫	故說常定者
菩薩行如是	眾生不能動	勇猛勤精進	自住平等法	以此導眾生	不違平等行
堅住於大乘	是人於身心	而無所依止	故說常定者	志念常堅固	不忘菩提心
雖知生死本	其際不可得	為諸眾生故	亦能化眾生	故說常定者	常念於諸佛

真實法性身

遠離色身相

故說常定者

是行菩提道

是乘名大乘

不可思議乘

常修念於法

如諸法實相

亦無有憶念

悉容諸眾生

猶不盡其量

一切諸乘中

故說常定者

常修念於僧

僧即是無為

是乘為第一

如此大乘者

能出生餘乘

離數及非數

常入如是定

悉見十方國

餘乘有限量

不能受一切

唯此無上乘

一切羣生類

而於眼色中

終不生二相

能悉受眾生

若行此無量

虛空之大乘

諸佛所說法

一切能聽受

而於耳聲中

於一切眾生

無有慳吝心

虛空無有量

亦不生二相

能於一心中

知諸眾生心

亦無有形色

大乘亦如是

無量無障礙

自心及彼心

此二不分別

憶念過去世

若一切眾生

乘於此大乘

當觀是乘相

如恒河沙劫

是先及是後

亦復不分別

寬博多所容

無量無數劫

說大乘功德

能至無量土

現諸神通力

而於身心中

及乘此乘者

不可得窮盡

若人聞此經

無有疲倦想

分別知諸法

樂說辯無盡

乃至持一偈

永脫於諸難

得到安隱處

於無央數劫

開示法性相

智慧度彼岸

敬念此經者

捨是身已後

終不墮惡道

萬三

十八

善解陰入界

常為眾生說

無取無戲論

常生人天中

於後惡世時

若得聞是經

善知因緣法

遠離二邊相

知是煩惱因

我皆與受記

究竟成佛道

若持此經者

亦知是淨因

信解因緣法

則無諸邪見

佛法在是人

是人在佛法

亦能轉法輪

法皆屬因緣

無有定根本

我見與佛見

若人持是經

能轉無量劫

生死諸往來

空見生死見

涅槃之見等

皆無是諸見

得近於佛道

若能持是經

精進大智慧

無量智慧光

知諸法實相

無闇無障礙

是名極勇猛

能破魔軍眾

我於然燈佛

萬三

十九

住忍得受記 若有樂是經 我授記亦然
若人於佛後 能解說是經 佛雖不在世
為能作佛事

佛說是偈時五千天子皆發阿耨多羅三藐
三菩提心二千菩薩得無生法忍十千比丘
不受諸法漏盡心得解脫三萬二千人遠塵
離垢於諸法中得法眼淨

發菩提心品第十八
爾時文殊師利法王子白佛言世尊如我解
佛所說義若有人發菩提願是為邪願所以
者何諸有所得悉皆是邪若計得菩提而發
願者是人諸所作行皆為是邪所以者何菩
提不在欲界不在色界不在無色界菩提無
有住處不應發願世尊譬如有人願得虛空
寧得空不佛言不也世尊菩薩亦復如是發
同虛空相菩提之願即是發虛空願菩提出
過三世非是受相不可願也若菩薩起二相
發菩提心作是念生死與菩提異邪見與菩

提異涅槃與菩提異是則不行菩提道也

爾時思益梵天謂文殊師利菩薩云何行名
菩提行答言若菩薩行一切法而於法無所
行是名菩提行所以者何出過一切所行是
行菩提又問云何出過一切所行是行菩提
答言離眼耳鼻舌身意諸緣相是名出過一

切所行又問出過有何義答言不出過平等
所以者何一切法平等即是菩提又問云何
是發菩提願答言當如菩提又問云何為菩
提答言菩提非過去非未來非現在是故菩
薩應以三世清淨心發菩提願梵天如過去
未來現在法從本已來常不生不生故不可

說如是發願無所發願是發一切願所以者
何以是行道能得薩婆若又問何故說言薩
婆若答言悉知一切真智慧故名為薩婆若
又問何等是真智慧答言無變異相如眾生
無變異相真智慧亦無變異相又問云何是
眾生相答言假名字畢竟離是眾生相如是

万三

廿

相則無變異若衆生與菩提異是爲變異如菩提相衆生亦爾是故無變異菩提不可以餘道得但以我平等故菩提平等衆生性無我故如是可得菩提是故菩提無有變異所以者何如虛空無變異相一切諸法亦無變異相爾時思益梵天謂文殊師利如來是實

語者能說如是法文殊師利言如來於法無所說何以故如來尚不得諸法何況說法思益言如來豈不分別諸法是世間是出世間是有爲是無爲耶文殊師利言於汝意云何是虛空可說可分別不思益言不也文殊師利言今說虛空名字以所說故有生有滅耶思益言不也文殊師利言如來說法亦復如是不以說故諸法有生有滅如此說法是不可說相亦以此法有所教誨是無所教誨所以者何如說法性不說法性亦如是是故說一切法住於如中如亦無所住爾時釋梵四天王俱在會中即以天華散於

佛上而作是言世尊若善男子善女人聞文殊師利說法有信解者當知是人能破魔軍及餘怨敵所以者何文殊師利今所說法能破一切邪見妄想世尊若善男子善女人聞於是法不驚不怖當知是不從小功德來若是經所在之處當知此處則爲諸佛擁護

萬三

廿一

受用若聞是經處當知此處轉於法輪是經在所住處聚落村邑山林曠野塔寺僧房經行之處諸魔外道貪著之人不能侵燒世尊若人多供養過去諸佛乃能得聞如是經典世尊我等於此經中得智慧光明而不能得報佛及文殊師利思益梵天之恩世尊我等所從聞經於是法師生世尊想我等常當隨侍說是經者此善男子常爲諸天之所擁護若人書寫是經讀誦解說時無量諸天爲聽法故來至其所

爾時世尊語釋梵四天王等大衆言善哉善哉如汝所說若三千大千世界滿中珍寶以

爲一分聞是經者所得功德以爲一分其福勝彼置是三千大千世界若恒河沙等十方世界滿中珍寶聞是經者所得功德復勝於彼諸善男子若欲得功德者當聽是經欲得身色端正欲得財富欲得眷屬欲得自在欲得具足天樂人樂欲得名稱欲得多聞憶念

堅固正行威儀戒定智慧解達經書欲得善知識欲得三明六通欲得一切善法欲得阿耨多羅三藐三菩提欲得與一切衆生樂具欲得涅槃者當聽是經受持讀誦如法修行廣爲人說諸善男子若行是經者我不見其人不得如是具足快樂善男子我今語汝若

人所從聞是經處若和上若阿闍黎我不見世間供養之具能報其恩是法出於世間世間供養所不能報是法度於世間世間財物所不能報是法無涖涖汗之物所不能報諸善男子是法餘無能報唯有一事如說修行若人於此法中能如說修行者是名能報師

恩亦爲恭敬於師淨畢報恩是名不空食人信施是則名爲順如來語順如來教是名越度衆流是名過諸險道是名建立勝幢是名能破敵陣是名師子之王無所畏故是名象王心柔軟故是名牛王外道論師無能壞故是名醫王能療一切病故是名無所驚怖能

万三

廿二

說甚深法故是名能具足捨捨諸煩惱故是名持清淨戒究盡善法故是名得大忍辱離我我所故是名大精進力於無量劫心無倦故是名具足禪定常念繫心住一處故是名有大智慧善解言說諸章句故是名有大威德以無量福莊嚴身相故是名有大威德能蔽日月諸光明故是名大力持佛十力故是名太雲能震法雷故是名大雨滅煩惱塵故是名爲舍至涅槃故是名大救救生死畏故是名燈明離無明闇故是名歸趣魔所怖者之所依故是名衆生究竟之道是名得位坐道場故是名已得法眼是名見諸法如是名

知空法相故是名安住大悲是名安立大慈是名不捨一切衆生是名背於小乘是名向於大乘是名除捨顛倒是名至于平等是名入於法位是名安住道場是名破壞諸魔是名轉於法輪諸善男子我若一劫若減一劫稱揚讚歎說是如說修行功德不能窮盡如來之辯亦不可盡爾時會中有天子名不退轉白佛言世尊所說隨法行隨法行者為何謂耶佛告天子隨法行者不行一切法是名隨法行所以者何若不行諸法則不分別是正是邪如是行者不行善不行不善不行有漏不行無漏不行世間不行出世間不行有為不行無為不行生死不行涅槃是名隨法行若起法相者是則不名隨法行也若念言我行是法是則戲論不隨法行若不受一切法則隨法行於一切法無憶念無分別無所行是名隨法行爾時不退轉天子白佛言世尊若能如是隨法行者是人畢竟不復邪行所

萬三

廿三

以者何正行者名爲畢竟住邪道者無隨法行住正道者有隨法行世尊行正行者無有邪法所以者何諸法平等無差別故爾時思益梵天謂不退轉天子汝於此中隨法行不答言若世尊所說法中有二相者我當行隨法行今以無二相是隨法行於中行者及所行法俱不可得梵天我以不二法行隨法行離諸分別故如諸法如行是名隨法行思益言汝未曾見此佛國土耶天子言此佛土亦未曾見我思益言此佛土不能思惟分別見與不見天子言我亦不思惟分別會於佛土見與不見思益言何人未見能見天子言一切凡夫未見聖法位若能入者是爲先所未見而見是法位相非眼所見非耳鼻舌身意識所知但應隨如相見如眼如乃至意如法位如亦如是若能如是見者是名正見

思益梵天所問經卷第三

萬三

錯謬

上七各反
下迷切反

慘

倉感
反

棧

音伐或作棧
乘之可渡水

暄

計於

憤吏

上公外反
教反與開字同

二千四

二千四

二千四

二千四

思益梵天所問經卷第四

萬四

姚秦三藏法師鳩摩羅什譯

師子吼品第十九

爾時釋提桓因白佛言世尊譬如賈客主入於寶洲其所見皆是寶物如是成就不可思議功德者有所樂說皆是法寶所樂說者

陳來升

皆示實際所樂說者於諸法中無所貪著不著彼我所樂說者皆是真實無有顛倒所樂說者過去際空未來際不可得現在際不起見所樂說者不信解者得信解信解者得解脫所樂說者破增上慢無增上慢者自說所作已辦所樂說者魔不得便所聽法者超度

魔事所樂說者未生善法今生已生善法今得增長所樂說者已生諸煩惱今斷未生諸煩惱今不生所樂說者未大莊嚴今大莊嚴已大莊嚴者今不退轉所樂說者不斷滅諸法而護佛法世尊以是樂說能降伏一切外道所以者何一切野干不能於師子王前自

現其身何況聞其吼世尊一切外道諸論議師不能堪忍無上師子之吼亦復如是

爾時不退轉天子謂釋提桓因憍尸迦所言師子吼師子吼者為何謂也答言若行者說法無所貪著是名師子吼若行者貪著所見而有所說是野干鳴不名師子吼起諸邪見

故天子汝當復說所以為師子吼者天子言憍尸迦有所說法乃至如來尚不貪著何況餘法是名師子吼又憍尸迦如說修行名師子吼決定說法名師子吼說法無畏名師子吼又憍尸迦若行者為不生不滅不出故說法名師子吼若為無垢無淨無合無散故說